

NOVENDIVM
S E U
NOVEM DIERUM EXERCITIA,
AD HONOREM
GLORIOSI PATRIARCHÆ
S. ROMVALDI
A B B A T I S.

Pro novem Martis diebus, prodigiosam ejus, ad inclytam Fabrianensem Civitatem, Translationem præcedentibus, quæ die 7. Februarij occurrit,

Ex quibus Exercitijs quinque hoc + signo anno-
tata, De votis abstinet, pro totidem ferij terijso
+ diens felicis S. Patris transitus in celum,
se extendentibus, cujus dies Anniver-

saria 19. lunq. recolitur.

Inserita etiam est compendiosè Vita ejusdem S. Patris, pro majori Devotorum excitatione; tum Parvum ejus Officium, & Responsorium.

Anno Domini 1709.

C R A C O V I Æ.

Typis Francisci Cezary, S. R. M. Illustriſſ. ac
Reverendiss. Dſſi Episcopi Crac. Ducis Seve-
giz Ordinatiſſ Typographi.

Addo diuturnitatem Vitæ R-
MUALDI, ex DEI præsentia ortum
duxisse. Profecto Rechabitæ, si-
ve Cinæi, in sua illa solitudine,
DEI assiduâ præsentia frueban-
tur. Quis autem dubitet, fami-
iliaritatem cum DEO vitam ex-
tendere? An non Moyses ex fa-
miliaritate cum DEO, ex erebris
cum Numine colloquijs ultra
centum annos produxit ætatem?
Antonius de Escobar, & Mendoza
Libro 3 ad cap. XIX. Matibei parte
s. Panig. Moral. s. Observ. 3.

PERILLUSTRI,
ET
REVERENDISSIMO DOMINO,
D. CHRISTOPHORO
à SŁUPOW
S Z E M B E K,
CANONICO CRACOVIENSI.

Domino & Patrono Colendissimo.

Prodeuntem in lucem exilio in-
genij partum, protectione &
favore Tuo favendum, repono
in Roseum sinum Tuum, Perillustris
& Reverendissime Domine,
Veluti alterius & rara Phoenicis, de-
inere exorientem Sanctissimi Patri-
archae Nostri ROMUALDI vitam.

mon peregrinac Muminibw, sed magno
Tuo Nomini immolandam, insinuavit
mibi ipse zelus Tuus erga res sacras,
& magna in eis veneratio, quam
opusculo in Polonia novello, magno fa-
ducie ausu, pro objecto assumo, spe-
rans sub Auspicijs Tuis, tenerrima vi-
ta, & virtutis Romualdina, necnon
cultus, & devotionis incrementa,
plurimum in cordibus Fidelium pro-
fectora. Hac ergo sacratus manibus
tractanda, & promovenda, cum omni
respectu, & profunda: ssima mea submis-
sione trado, solo hoc pure motivo, ut
quam evidentissima singularis, Per-
illustri, & Reverendissimæ Do-
minationi cultus, bonoru, & inti-
ma propensionis mea testimonia de-
promere queam. O si quod olim
Memus à Jove petuisse singitur va-
rum esset; nimirum; ut aperta &
nuda

nuda omnibus cordium humanorum
paterent consilia; cerneret procul da-
bio omnia mea studia, conatus, tum
animi, tum corporis contentiones, in
Te apprimè colendo esse collatas. DE-
US Püssimus felicem Te Perillu-
stris Domine, atq; florentem, tam
Tibi ipsi, quam Ecclesia Sancta, in se-
ratis annorum seriem conservet, opto.

Per illustris
& Reverendissimæ Dominationis

Humilissimus Servus,

Exorator

P. Benedictus, Eremita
Camaldulensis.

GENE-



Sanctus Romualdus Abbas
Camaldulensium Pater.

(S)

GENERALES REGULÆ PRO NOVENDIO.

Quicunque pro impetranda aliqua, à Divina Majestate gratia, per patrocinium Sanctissimi ROMUALDI; sive in gratiarum actionem pro iam obtentis, ipso mediante gratijs, cuius Sancti Novendij exercitia facere exoptat; Primo, omnibus Martis diebus novem ieiunare debet. Si autem ieiunare non valuerit, aliquam eleemosynam pauperibus elargietur; aut aliquid pium opus, secundum Patri Spiritualis consilium peraget.

2do. Quolibet ipsorum Exercitiorum die confiteri, & Sacram Eucaristiam suscipere tenebitur.

3to. Die Vigiliae S. Patrii ieiunare, ac tandem ipso Feste communicare debebit. Tunc enim in Ecclesijs sui Ordinis Indulgentiam plenariam lucrabitur.

4tò. Per hos dies novem, centum vi-

ginti Pater noster, & Ave Maria, cum

et idem Gloria Patri, (dividendo ipsos

per 13. in dies, ultimu verò tribus diebus
per 14.) in memoriam centum viginti an-
norum, quibus Sanctus vitam duxit, reci-
tabit. Quod si verò aliquis per se met-
ipsum p̄fata Exercitia adbibere nequi-
verit, note & timoratæ Personæ commis-
tes qua suo nomine ipsa adimplebit.

PRIMO DIE MARTIS,
PRAELUDIUM.

A Deo S. Romualdi Patris & Fonda-
toris Ordinis Camaldulensis Vita
Orbi Christiano prælucet; ut nec mi-
nima Christianitatis pars adsit, quin
ibi ejus præclarum Nomen, præ fama
celebre non excurrat. Illi centum
annorum dies austerrimæ, ac sanctissi-
mæ vitæ, quam cum profunda humi-
litate, inter nemora, & solitudines a-
gebat absconditam; ante humanæ no-
titiae oculos, per omnia occulti esse non
valebant. Virtus namque lux est cla-
rissima,

issima, quæ se ipsam conspicit facit. Et DEUS (ut loqui fas sit) silentio arbustorum ora solvit, ad sui servi sanctitatem Ecclesiæ patefaciendam. Divus Petrus Damiani Cardinalis Ordinis nostri, primus fuit alios inter Scriptores, qui compendiosè S. Romualdi facta reddidit fastis. Postque ipsum Divum Petrum omnes sacrorum Historiographorum calami, in Ecclesiasticis Annalibus, tanti Sancti opera præclara reddiderunt. Ipse met DEUS Sancti Patriarchæ virtutum excellentiam, ac meritorum culmen obstupefendis miraculis manifestavit. Siquidem extincta incendia, tempestates maris sedatae, amentes sanati, infirmi ad pristinam valetudinem reducti, bestiæ mansuetæ, infernales spiritus fugati, prodigia fuere ; quæ quasi joci gratia, aut per verbum, vel manum Sancti evenerunt. Quid plura ? Tota ejus vita, unica virtutum synopsis fuit, atque assidua miraculorum series. Post

fortunatum S. Romualdi, & ultimum
vitæ halitum, Supremus Dominus e-
xaltans humiles, Sancti sui gloriā ma-
gis prodigiosis portentis propalare
continuavit: de cuius tumulo appa-
ret esse scriptum illud perpulchrum
Prophetæ elogium: *Et erit Sepulchrum
eius gloriosum.* Pro evidētia autem
veritatis: Sacrum Divinissimi Romu-
aldi Corpus, quod prolixiori sœculo-
rum morâ, à temporis injuriâ, in In-
clyto Vallis de Castro Cœnobio, in obli-
vione sepultum jacuit; cum illustri
crebrescentium miraculorum pompa
ad Nobilem Fabrianensem Civitatem
fuit translatum; ubi quasi in gratia-
rum throno gloriosum, & ad omnium
sibi devotorum favorem, beneficium
residet. Eò loci ad præcelsum Sancti
Sarcophagum visuntur obstinatorum
in peccatis conversiones, & diversa-
rum personarum in perfectione lucra:
ut potè pericula animæ declinata, ten-
tationes superatæ, lumina acquisita,
optimæ

Sancti Romualdi.

5

óptimæ inspirations reportatæ, adju-
torium perseverantiae in incæptis bo-
nis; & aliæ spirituales gratiæ: quæ
quantò sunt plus secretæ; tantò magis
ordinariè à veris S. Romualdi devotis
obtinentur. Ad extreñum potenti
ope S. Anachoretæ creberiinè, jam
jam moribundi audiuntur protinus ab
imminente morte liberati, innumerabiles
infirmi ad insperatam salutem re-
ducti; pauperes quoque miserabiles
in necessitatibus provisi; afflitti ac pe-
nè metu exanimati, in tribulationibus
ac æruminis efficaciter consolati, ob-
fessi, & à dæmonio tentati, parturien-
tes, agonizantes, à potenti brachio S.
Romualdi occultam vim persentiant.
Visitatâ namque ejus Ecclesiâ atque
Sancto Sepulchro; aut invocato San-
cti Nomine, viribus esse firmi, ac pror-
sus omnimodè liberati cernuntur. Si
regnant inimicitie; S. Romualdus re-
donat pacem. Si annonæ caritas ad-
venit; S. Pater abundantiam frumenti
deluper

desuper impetrat. In perniciosis inundationibus, in noxijs terræ ariditatibus, in bellis, conflictibus, in terræ motibus, quavisve pestilenti lue, absque ulla cunctatione, vix recursus fit ad Sanctum; & ecce in omnibus necessitatibus, ut generalis Protector subvenit, adjuvat, consolatur, & quascunque gratias devote requiras protinus concedit, & suppeditat.

Cum itaque infallibile B. Patris nostri patrocinium maneat, ac meridianâ luce clarius existat; tibi Anima devota, sequens distinctum varijs meditatiunculis in S. Romualdi vitam Novendium præsento; quatenus facilem ac proficuum, pro acquirenda & augenda, erga Sanctum devotione, methodum habeas: tum quoque, ut desideratum gratiarum donum celerius reportare queas. Ocyus ergo S. Romualdum in Advocatum tuum eligas; tua cordis penetralia ipsi detegas; omnigenas necessitates exponas; sicque te contolandam

landam procul dubio credas. Ejus Ecclesiam frequentando visites, peracto-que novendio Sancti Nomen invoces; & ex parte ipsius spondeo te exaudiendam. Iste è Cœlo Empyreo pijs oculis te intueri non cessat; manum ad benedictionem elevat; & pro elargiendis gratijs, quascunq; efflagitas, sine intermissione avidè te prætolatur.

INCIPIT VITÆ PATRIS.

† **R**omualdus fuit Sergij Ravennæ, Ducis Filius, ex nobilissima & Regali Longobardorum Ducum stirpe progenitus, vulgo: *De Saffi* Quæ Familia Fori Julij & Beneventi insignes Ducatus, partem Tusciae possedit; & per certum temporis spatium ampla Lombardia, Apuliaque Regna gubernavit. Et consanguinitate propinqua cum Imperatore Othonে I. ac per consequens cum alijs duobus gaudens, ex Illustrioribus ac Ditionibus Europæ Propterijs originem duxit. Sub iui cursus

cursus juvenilis initio per lubricum calle
m incedere cœpit, & ad mundi
vanitatem proclivis fuetat. Nutrie
bat nihilominus intra cordis viscera
motivum solitudinis sensus; expro
mendo ab illis densis nemorum salti
bus, quos ad agendas ferarum prædas
sæpius percurrens collustrabat. Anno
suæ ætatis vigesimo Divinæ vocationi
aure porrectâ, Monasticum Habitum
in Basilica S. Apollinaris, in Cænobio
Classis assumpsit; illuc præcipue com
pulsus à quodam funesto casu, qui e
jus genitori, in sua præsentia accidit;
ibique se totum DEO, perfectionique
acquirendæ consecravit.

M E D I T A T I O.

PRIMÒ. Considera, quomodo DE
US bonis inspirationibus eos, eti
am visitare non omittat, qui commo
ditatibus, ac delicijs terrenis immersi,
ipsius oblixi vivere videntur. Si tu, aut
aliquis ex tuis asseclis, ex timilium nu
mero

mero reperiari; supplica instantèr
Divinæ benignitati per Sancti merita,
nè te, in tñi ingratij & obdurati cordis
pœnam derelinquat; verùm te do-
ceat proprium statum cognoscere, at-
que serio emendare.

2dò. Considera, quomodo ex rebus,
à Divina Providentia ad nostrum lici-
tum usum creatis, ad cœlestia & spiri-
tualia mentem facillimè erigere possi-
mus; ab illis desumendo occasionem
Conditorem laudandi, eique agendi
gratias.

3tiò. Considera, quomodo DEUS,
pro una anima ad portum salutis re-
ducenda, multoties mundi ærumnas
atque infortunia adhibeat. Casu, quo
tibi, in aliquam adversitatem devenire
contingat, minimè perterreas; sed
apprimè examines, quidnam à te DE-
US prætendat; exemplo nostri Sancti,
qui ex inconvenienti Patris progressu,
optimam, & convenientem propriæ
saluti conversionem depromplit.

PRO-

P R O P O S I T A.

Attentè perpensis supradictis considerationibus propone. 1mò. non amplius internis vocationibus, & bonis sensibus resistendum, quascunq; tibi Pater luminum præstare dignabitur; sed te reflectendum super salute animæ lux, licet familiaribus, & sæculi negotijs implicatus existas. 2dò. Ab hinc ponderandani DEI Potentiam, Sapientiam, & Bonitatem, quæ in cunctis Creaturis relucet, & maximè in Sanctis ejus, quibus & tu similis esse poteris. 3rdo. Nunquam desperandum, animumve despondendum, quamvis te nimis ad vanitates proclivem esse cognoscas, aut aliquas patiaris persecutiones, aut quovis modo te esse sentias tribulatum.

Fruitus huius Meditationis.

1mò. Ab hac die illis rebus renunciare incipes, quæ Sancto Patri discere possunt.

2dò.

2dò. Tuis Famulis, vel amicis, ejusdem Sancti cultum persuadebis.

3tio. Ad honorem ipsius, aliquod misericordiae spiritualis, vel corporalis opus, in tui proximi emolumentum exercetbis.

O R A T I O.

S Anctissime Patriarcha & Pater a-
Smantissime omnium nostrum Via-
torum ; confiteor negligentiam meam
in obsequio tuo, & elatis temporibus
me in tua devotione penitus incurio-
sum fuisse. Cujus, ex intimo cordis
mei me pénitet. Profiteor cum his
Exercitijs in posterum me fore tuum
verum, ac devotum servum ; nunc te
in meum Advocatum, & Patronum
eligendo, cum irrevocabili proposito,
nunquam amplius à tuo desiderabili
famulatu me subtrahendi. Inde cum
omni modo spiritu mei humilitate in-
stanter tibi supplico, ut hoc minimum
pauperculi cordis mei obsequium per-
gratum tibi facere velis. Illud quippe
ad

ad tuam perpetuam gloriam offerre dispono ; tum quoq; ad sublevandam miseram animam meam, quæ ad ultimum usque respirium tibi recommen-data maneat ante Divinam Majesta-tem ; ut ipsa frui tecum in cœlis æter-num valeat, Amen.

*Pater noster, & Ave Maria, pro vivis
& mortuis Sancto devotus,*

SECUNDO DIE MARTIS,

PRÆLUDIUM.

Cum jam sincerissimo animo, & ex intimis præcordijs clientelæ te Sancti Romualdi committas, restat, ut tuæ servitutis officio , opera tua consonent. Sed quidnam facies , ut amoris ejus teneritudine dignum te reddas? In id primariò animum in-tendes, ut characteri, quem geris per omnia respondeas, in DEI gratia ma-nere satagas, ad normam tui, in deli-cato æternæ jucunditatis Paradiso spa-tiantis

tiantis Defensoris, qui supereminenter
eā dotatus fuit. Operam impendas
ipsum imitandi proportionaliter in
earum virtutum exercitio, in quibus
singulariter excelluit; & quas, in ul-
teriori admirandae ejus vitæ progressu
perlustrabis. Ipse met apud Altissi-
mum, pro necessario adjutorio, ad eas
exercendas, Mediator tuus futurus est.
Animum omnino non despondeas,
quoniam ejus caliginem procul dispel-
las. Cor, ipsi fiducialiter detegas, nec
quidquam pertimescas. Sanctus Pa-
ter, & est fidelis, & potens. Potens
ad omne exoptabile bonum tibi largi-
endum. Fidelis ad clientes in fidem
suam recipiendam, & neminem fallen-
dum. Crebrius ipsum amabili, pīj
Patris titulo invoces; & ipse te ut fili-
um respiciet; atq; ab omni mala ani-
mæ & corporis incursione proteget.

SEQUITUR VITA SANCTI.

Post elatum ingressū in Religio-
nem triennium, ad quendam Vi-
rum,

rum, ab humanis tumultibus per omnia segregatum, in Venetis Insulis commoratam, Marinum nomine, non minus naturâ simplicem, quam moribus candidum commeavit; ejusque directioni se tradidit. Qui suum novellum in via DEI discipulum, psalmodiæ disciplinam instruens occasione alicujus titubationis, ad quemvis erorem, veniam rigidus Magister non admittens, virgâ, sinistram capitum ejus partem verberabat: quæ suo tempore per cōtinuam repercussionem, adeò offensa evalit, ut fermè auditum perderet. Sanctus autem patiens, auditus præjudicium cernens, cum majori humilitate, ac patientia ipsum efflagitare coactus fuit, quatenus illos indiscretos ictus in dextram partem revolveret. Et tandem aliquando in se reversus solitudinis profundæ Incola, rigidam animadversionem in suum tam modestum discipulum moderavit. Per unam integri anni revolutionem,

uno

uno pugillo ciceris elixi, de die in diem contentus fuit. Per continuum triennium, eodem jejunij rigore servato, in excolenda terra seminandoq; ac proprijs manibus colligendo tritico, occupabatur.

M E D I T A T I O.

1. Considera invictam tolerantiam, & demissam humilitatem Sancti; qui licetli sponte se illi, cunctis virtutibus ornata palestræ dedicaverit; & per consequës illâ dimittere ad proprium beneplacitum potuerit; verum tamen nè cum invictæ patientiæ exercitio, magna merendi, occasionem omitteret, in eo, planè ad sensus privationem constanter perseveravit.

2. Quomodo Eremita Marinus, et si alias homo sanctitate conspicuus, attamen in discretione virtutum basi, Romualdū percutiendo deficiebat. Quod DEO permittente actum est: nimirum ad abundantius meritum discipuli;

li; & ad majorem Magistri in spiritu doctrinam; qui tām perfectā discipuli patiētiā, & placatus ex̄itit, & ipsum posthac summa veneratione coluit.

3. Considera rigidam abstinentiam; cui se Romualdus, (licet floridam adhuc, ac delicatam juventam duceret) instinctu amoris DEI, ac respectu Aeternitatis dedidit: & rusticanas operaciones, ab ipso quamvis genere nobilissimo oriundo arreptas.

P R O P O S I T A.

FACTIS præfatis considerationibus propones.

1. Nunquam evitandas occasiones patiendi, ad summum vltro se offerentes; sive à DEO, sive à Creaturis occurant.

2. Compassione duci erga defectus illarum præsertim personarum, quæ possunt esse, aut sunt in aliqua virtutis aestimatione.

3. Exercendum aliquod, secundūm proprij

proprij statūs conditionem, mortificationis genus, aut corporalem pœnitentiam ; non tantummodo pro commissorum delictorum satisfactione ; at etiam, nè in casum graviorem ruas.

Fruſus huius Meditationis.

1. **G**enerosum animum indue ; & hác die, eum quí te aliquā ignominia, aut displicentiā affecit, contraria gratitudinis tesserā præveni. Vel si id præstare non vales ; DEUM pro ipso, singulari mentis applicatione deprecari stude. Casu quo, ipsum allocutus non es, quam primum ei reconciliari non differas, etiam consultò occasionem inquirendo. In memoriam tibi veniat Ecclesiæ ipsiusmet Capitis Christi exemplum ; qui nec Redemptionis Sacrificium complere voluit, priusquam in proximi reconciliacione, (scilicet : Pater dimitte illis) non fundaretur.

2. Universas proximi actiones, eo
non

non obstante, quod tibi pravae videantur, in bonam partem vertere, ac interpretari incipe.

3. Ad aliquod contemptibile, & vi-
lius exercitium, tam privatim, quam
in publico, te deprime; nec ab eo ra-
tio aliqua politica, aut praeclari sanguini-
nis nobilitas te avellat.

O R A T I O.

CEmper melius agnoscō ô gloriosissi-
me Pater, felicem sortem, quam
sum adeptus, cernens me tuæ dignis-
simæ sequelæ esse adscriptum. Pro-
indè tibi correspondendi gratitudinis
affetu, avidus athleta, cum pleno a-
nimæ mei studio, tuam supernam effi-
cacem assistentiam flagito; ut parculæ
meæ devotiones, quas non minus cum
voluntatis promptitudine, quam spi-
rituī fervore facere satago, comparere
valeant ante venerandam præsentiam
tuam, & Adorandam Trinitatem vi-
ventem in sæcula, Amen.

Pater noster Ave Maria, &c.

TER.

**TERTIO MARTIS DIE,
PRÆLUDIUM.**

† **I**n genti cordis affectu arhelarem;
ut quanto majori, erga tantum
Sanctum devotioni appropias; tanto
plus vividâ deveniendi melior, iþiq;
similior (in quo veræ devotionis sub-
stantia consistit) flammâ accendaris.
Quantum possilitas permittit, quo-
tidiè semel saltem ejus Ecclesiam vi-
sitare non prætermittas, ut per inti-
mam, & fervidam **S**ancto Patri re-
commendationem, ipsius intercessio-
ne, unà cum tuis familiaribus dignus
vivere & mori ut **C**hristianus, meri-
tisque opimis cumulatus reperiaris.
Aut potius in defectu commoditatis
adeundi Templum, ad imaginem, vel
aliam memoriam Beati Patris, in tui
intrinseci intimos ardores erumpas.
Spira, plange, & exoptati effectus re-
portandi sis certus. In memoriā nihilo-
minus reducas, quod ad id perseveratia

B

deside-

desideretur; & quod Sancti, de nostris assiduis, & importunitatis precibus summopere gaudeant.

SEQUITUR VITA SANCTI:

Sub suæ conversionis exordio, ver-sutus humani generis deceptor Romualdum assiduis temptationibus arietare non cessavit; his timores ac horrores auxit. Demùm varijs injurijs, molestijs afficere, verberare, mortem denique ipsam sæpius moliri non desstit. Per totum quinquennium, nullam reliquit noctem, in qua ipsum non commoveret temerarium infernale monstrum; super crura ac pedes ejus jacendo; & sic, ut se in dextram, aut lævam partem verteret, nullatenus permittendo. Itaque insomnes noctes agere debebat. Per quindecim annos extremis jejunijs se macerabat; ita, ut solis diebus, Dominicâ, & quintâ feriâ modicam refecti-onem sumere consuevisset. Gallias ab i peragrans

peragrans quæquè portentosa, in spirituale proximi adjutorium & beneficium egit; insignes ibi peccatorum in gravibus culpis inveteratorum conversiones operando. Ubi certiorem nuntium recepit, Sergium suum Patrem (jam Monachum factum) conversionis suæ pœnitere, atque ad sæculum redire conari: Sanctus Ravennam versus, exalceatus iter arripuit, eoque adveniens, ejus instabilitatem aperè correxit & punivit; vocacionemque adeò confirmavit, ut summum sanctitatis culmen ascenderit; utpotè, cum à Clementissimo Domino nostro, specialissimo honore decoratus fuerit, in hac afflicta vita, Spiritum Sanctum in quadam specie intueri promerendo.

M E D I T A T I O.

- I. Perpende optimum signum esse, dum Divina Sapientia super nos ab infensissimo æternæ nostræ salutis ans

hostile tentationes, aliasve diversas tribulationes & exagitationes venire permittat: prætendens Divina Bonitas hoc modo, ut in virtutum labore exerceamur, atque merendi occasionem habeamus.

2. Animo revolve, quomodo abstinentia semper individua sanctitatis socia fuerit. Quocirca totum affectum in ipsam transfundere, ipsisque exortatione adhærere convenientissimum est.

3. Adverte, quomodo proximo, maximè genitoribus, quisque subvenire teneatur. Proinde omnī meliori, & accuratori modo, ipsis adjutorium præbendi occasionses prætereundæ non sunt; magis autem & principalius, admonitiones, aut correctiones adhibendæ.

PROPOSITA.

PRædictis considerationibus perennis propones,

imò,

1mò. Tuas tentationes, internasque anxietates Patri spirituali manifestandas, ad finem adæquati, tuæ necessitati documenti excerptendi.

2dò. Ex statuto Ecclesie, aut ex tua devotione inchoata jejunia exactè, & libenti animo observanda; atque hilari corde vietū pauperiem ferēdam.

3tiò. Tuum proximum ad beneoperandum, potius bonarum tuorum qualitatum exemplo, ac modis, quam verbis exhibendis. Aninde eum cernas offendere? Et quoniam amanter, & benevolè monere debet.

Fuclus huius Meditacionis.

1. **O**Mnibus personis, à capitalibus inimicis, videlicet: mundo, carne, & dæmons tentatis, & tribulatis ex corde compati incipe; & pro eorum consolatione D E U M instanter precare.

2. Tua jejunia, cunctasque alias laborum perpessiones, in propriarum

B 3 culpa-

culparum pœnam, tuique proximi;
aut in purgantium Animarum suffra-
gium offer.

3. Pro conversione infidelium, &
Christianorum, qui in mortalis culpæ
lecto misere degunt, J E S U M Chri-
stum instantissimè efflagita.

O R A T I O.

AD tuarum virtutum, ô Divinissi-
me Romualde, puritatem, ah
quām evidenter meæ imperfectiones
prodeunt! vitæ meæ tenorem, ad mi-
nus in parte, tuæ Sanctissimæ methodo
conformare ex animo cuperem. At
distantia, quam inter unam & alte-
ram, insuperabilem contueor, extre-
mè terrorem mihi inducit. Cona-
tum meum omnigenè erigam, ut ante
ipso met oculos meos humiliet;
altâ mentis indagine revolvens mei
nihili abjectionem tuæ virtutis subli-
mitati contrariam: eodem temporis
spatio infinitas, DEO infinito gratias
agendo

agendo, quòd te, ad adeò mirabilem
meritorum evexerit altitudinem. In-
terim tuis precibus, ille benignus Lar-
gitor unicam abundantis sanctitatis, &
gratiæ scintillam mihi concedat, qui
torrentis ad instar beatam Animam tu-
am implet, ac æviternum implebit, ut
ego etiam in cœlesti Patria tanquam
unus ex unicè tibi devotis, ipsum lau-
dere & glorificare nunc, & in perpetu-
um valeam, Amen.

Pater noster, Ave Maria, &c.

QUARTO DIE MARTIS. PRÆLUDIUM.

HAc tenus jam ad minus in parte,
beneficos, devotionis intimæ erga
Sanctum effectus expertus es; unâq;
apprimè perspexisti: quomodo ipse sit
promptior, atque liberalior in ditando
te cœlestibus gratijs, quam tu lolicitus
in ipsis postulandis. Animatus itaq;
hâc munificentissimâ ac cœlesti comi-
tate, serio animadverte super tanta

beneficia, ultrà omne tuum meritum reportata. Tandem nullo temporis puncto intermissio, vivo cordis spiritu ipli gratias age, ad contemplationem adhuc spei, te reddendi dignum in posterum ulteriorum favorum. Et toto mentis desiderio conare, quām vivacioribus tuæ linguæ documentis, in pectori Christiano accendere fiduciam in ipsius adjutorio; laudando & benedicendo Dominum in suo servo, quod ipsum tam gloriosum & mirabilem reddat ad favorem ipsius Devotorum. Ad extreñū, id totum agere posse, quod ipso fore gratum, atque acceptum videris, optimè periualus, ab ipso ad tuum computum, in Divinæ Majestatis cōspectu præsentādū plurima posse adaugeri; & tunc se amplius ad dispēsanda tibi largâ manu, pretiosissima suarū gratiarū dona extēdet.

S E Q U I T U R V I T A S A N C T I .

PRævidentes Galliæ Populi, brevi Romualdum, eorum Regionem de-
glicet u-

relictum; sine ulla redeundi spē, hac de causa molestam passionem sentientes, recidendae S. Patris resolutioni invigilarunt adeò; ut cum eis fortuna non arrideret, Sanctum intra suos limites possidendi, eum è vivis tollerent; atque sic exanimi corpore saltem, pro universalib[us] Regionis beneficio fruerentur Sed DEUS ipsamet nocte in oratione vigilantem imminentis periculi concium fecit; qui primis diei alboribus, arreptā fornicē, sat deformiter capillis, & barbā sibi relectatis, vultu tincto, atque habitu incompto, mente captum se simulans, inevitabile mortis periculum evitavit. Pervenientē itaque (post stabilitū Sorgium Patrem in Religione) ad Monasterium S. Apollinaris in Classe, & demum ad Eremum Pereti, Imperator Ottho III. ad eum invisendum in persona commicare decrevit. Quō, cūm post solis occasum devenisset, Sanctus pauperem suum lectulum, ad pausandum.

ei dedit ; quem cum pleno reverentia
titulo Rex acceptavit ; verum, cooper-
tiorum, uti asperrimum & durum ju-
dicando, refutavit. Hic ipsemet Im-
perator ad demoliendam Tiburtinam
Civitatem, circumcirca formidabilem
obsidionem posuit. Quod, solicitis pas-
sibus progredivs Romualdus, com-
motum Imperatoris animum mitiga-
vit ; atque placidis rationibus ab at-
tentato malo removit, nullo sanè in-
commodo Civitati illato. Quinimò
confidenti quoddam se commissile de-
lictum, Sanctus pro pœnitentia, & in
satisfactionem mandavit ; ut nudis pe-
dibus iter Româ, ad montem Garga-
num usque, in Apuliam conficeret.
Demù mandato S Patris, integrâ
Quadragesimâ mansit reclusus in Cæ-
nobio Classis ; in exercitijs Psalmo-
diarum, jejuniorum, ciliciorum super
nudam carnem, die noctuque perse-
verando, atque super storeas dormi-
endo ; ultimo tandem Imperium ab-
dicare,

dicare, Monasticumque statum am-
plicti pollicendo.

M E D I T A T I O.

1. **A**nimo revolve, quam felix, for-
tunatusque sit Populus Fabri-
anensis; quod dignus fieret recipien-
di in suū līnum, amplissimū thēsaurū
sacrarū Romualdi Reliquiarū; qui
propriā electione ibi requiescere volu-
it; cùm ex aduersio. ille in Gallia, per-
sonā ejus orbatus, exfors remanere de-
buit.

2. Scrutare ingentem veneratio-
nem, in qua Sanctus habebatur apud
Orbis Monarchas; qui se ipsos nimis
felices opinabantur, si etiam cum pro-
prio gravi incommodo, cum ipso tra-
ctare, eique obedire possent.

2. Aduerte; quomodo Romualdi
sanctitatem etiam primi s̄eculi Opti-
mates verebantur, ac pertimescebant;
qui gravissimas p̄enitentias ab ipso
impositas haud recusabant.

PRO-

PROPOSITA.

Supradictis considerationibus peractis propones.

1. Monstrare Sancto, cum aliquo singulari gratiarum actionis signo, quantum sit acceptus, & charus ejus ad Patriam tuam adventus; si exinde originem ducis.

2. Onus tibi non imputandum in venerandis personaliter, ad conferenda in vestigal tue devotionis obsequia, Sanctissimis Reliquijs, aut sacrae Imagini Romualdi; quantumvis amplissimarum facultatum, aut nobilissimæ Prosapiæ, atque sublimiorum Regni officiorum præminentia gaudeas.

3. Libenti animo acceptandi correctiones, & pœnitentias, à DEI ministris, in emendationem aut satisfactionem tuarum culparum, tibi immislas ad amissim exequendi.

Fructus huius Meditationis.

1. Præterquam, quod homagij præstandi

stanti causā, ad sacrum depositum,
Ecclesiam, aut imaginem Sancti te
conferas; non tibi molestiam adfe-
rat visitatio, pro ejus amore infirmo-
rum in xenodochijs, aut amicitia con-
junctorum; qualisunque tu exitas
conditionis.

2. In universis tux Patriæ calamita-
tibus, solitus, & confidens ad Ro-
mualdi validam intercessionem recur-
ras; si ab iræ Divinæ flagellis, liber e-
vadere exoptas.

3. Atque fieri stude alicui pœnitent-
tiæ, nihil penitus respiciendo ad tene-
ram ætatem, delicatam complexio-
nem, aut generis nobilitatem.

O R A T I O.

Ecce jam me, exploratum habe, ô
Beate Patriarcha! nunquam am-
plius te derelicturum; imò continua-
turum me, ad sera fata tuum famu-
latum, in modo tali, qualem frigidissi-
mus meus spiritus permittet, procul
dubio

dubio crede. Et quod si interdum
prætermisi præbere exteriora devotio-
nis meæ signa; protestor tamen, &
volo: ut hocce cor in amando te semper
sit facile; atque in recognoscendo
te meum amantem Patrem, constan-
tissimum. Interea à meo, & Tuo mu-
nificentissimo DEO, in his meis pro-
positis perseverantiæ donum impetra;
ut eò magis, magisque in Te, & nobis
pauperculis creaturis in sæcula glori-
ficetur Amen.

Pater noster, Ave Maria, &c.

QUINTA DIE MARTIS, PRÆLUDIUM.

Credo te esse consuum, quomodo
degens adhuc in hac lacryma-
rum valle Sanctus, terribilia à Deo
obtinebat supplicia contra illos, qui
injusto titulo ejus benevolos, ac de-
votos persequebantur: è contrariò
quemcunque aliquod illis præstantem
beneficium inestimabilibus gratijs lo-
cuple-

cupletabat. Nunc imaginare, quidnam non faciet gloriosus in cœlo? ubi potentia, voluntas, & charitas in perfectiori gradu eminent. Quid ergo jam pertimesces, quando & tideliter servitum firmiter te resolviisti. Insurgent forte adversum te tui ferocissimi hostes; tu invoces Romualdum: neverberabunt te lites; recurre ad Romualdum: oppimeris ab iniustijs, aut iniqua gente; in adjutorium clames Romualdum. Ultimò, adororientur te imperio valido, spiritus, aut corporis infirmitates; te recom mendes protectioni Romualdi; neque minimum diffidas te opportuno tempore non exaudiendum.

SEQUITUR VITA SANCTI.

Romualdus auditio, cum teneritudinis, & summa jucunditatis lacrymis, de invidenda, & simul felici, Tyrannorum manibus inflictæ morte sui, tam amabilis filij, & discipuli Bonifacij

nifacij Archiepiscopi, & Russicæ Apo-
stoli, nuntio: præ mirabili cœlestium
consolationum excessu, desiderio mar-
tyrij accensus, Hungariam versus ire
decrevit. Ad cujus confinia cum vi-
ginti quatuor locis perveniens, ipse-
met forti febre correptus fuit; cui
tumor associatus est, & tanta stoma-
chi bilis, ut cibum prorsus non reti-
neret. Eam autem non curanti, &
ulterius progredi volenti augebatur
ipsa; remigrare vero se resolventi mi-
nuebatur. Dum tamen convalescen-
do, adhuc ultra pergeret tentaret, ipsum
protinus cum majori violentia ado-
riebatur; & postquam pausus revolve-
re disponeret; integrè cessabat. Un-
dè hanc mutam cœli loquelandam, cum
DEI benē placito uniformem perpen-
dens; missis septemdecem, in Pan-
noniam ad seminandam Evangelicam
veritatem dictis discipulis; cum alijs
in Italiam remigravit: ubi fundatæ
sacræ Eremo Camaldulensi, in ditione
Flo-

Florentina; varijsque alijs; in Sytriam secessit. Ibi septem annorum spatio, cum inviolato silentio reclusus mansit. Ibi supernaturalem Sacrae Scripturæ intelligentiam adeptus, postea admirabiliter commentatus est. Ibi ad extremum, pluribus extraordinarijs pœnitentijs, & macerationibus proprium corpus immisericorditer affixit. Quibus medijs inæstimabilem fructum, in animabus illius climatis produxit.

M E D I T A T I O.

1. **E**xamina, quantam habeat efficiaciam Amor DEI in una Anima; quam perquirere facit omnem occasionem pro ipso patiendi; immo ad ejus gloriam sanguinem, vitamque fundendi.

2. Contemplare, quomodo multitie DEUS inspiret illud, quod ut aut protinus, aut nunquam effectum fortisatur vult; ac solummodo ad exporta-

portendam atque dignoscendam nostram promptitudinem. Quocirca quietos nos manere convenit; si non nunquam nostræ resolutiones impedimentum patiantur.

3. Adverte prudentèr, quomodo à mundi tumultibus & rumoribus recessus, ad segregatumque locum recessus summoperè adjuvet, ad acquirendam veram sapientiam, & cognitionem rerum spiritualium.

P R O P O S I T A.

FACTIS PRÆDICTIS REFLEXIONIBUS PROPOSES.

1. Grediti animo amplectendos quosvis super te irruentes patibiles dolores; aliasque laborum corporis, aut animi perpessiones: quinimò aliquando eas de industria inquireendas.

2. Velle servire DEO, secundùm ipsius sanctam voluntatem; non verò ut nos volumus; nempè in modo, & loco; tantùm, quantum, & quando cognosces,

cognosces, mediante Patre spirituali,
eße ejus voluntatem; & non aliás.

3. Velle te abstrahere, quantum
vires extendi valent, à publicis otijs,
aut spectaculis, cæterisque sæculi oc-
cupationibus. Ea namque solum in-
serviunt ad dissipandum spiritum, &
devotionem; atque ad non attenden-
dum æternæ propriæ saluti.

Fructus huius Meditationis.

1. **C**onsuece actuali intentione of-
ferre DEO cunctas illas malas
actiones, quæ interdiu intus & foris
contingere possunt.

2. Procura, nunquam per quam-
cunque causam tui cordis internam
pacem, ac tranquillitatem perdédam.

3. Quando te compellit necessitas
ad trahendam moram in publicis lo-
cis, & in plurimum personarum socie-
tate; tuum cor recollige, & custodi.
Et tali modò solitudinem conservabis.

OR A-

Novendium
O R A T I O.

Quis non probaretur à tantiis a-
nimis sui sensibus, & tam validis
difficultatibus in virtutum exercitio,
quales ego ipsem exerior! Si ne
dubio crederem, quod gustatis dulci-
bus bonarum operationum fructibus,
quæcunque alia inutilis applicatio mi-
hi nausearet. Sed quisnam negoti-
um facile reddere passionesque re-
calcitrantes sedare poterit. Tu esse
debes ô Sanctissime Romualde! qui
Divino amore erga tuos clientes re-
fertus, in Christianæ perfectionis vias
ipsoſ conductere; atque ad portum
salutis, iter alleviare, & facile redde-
re potes. Tibi itaque instantèr, atq;
humillimè supplico, cupiens omnimodo
deserendam mundanam vanitatem,
meque DEO totaliter consecrandum.
Qui est super omnia Benedictus Amē.

Pater noster, Ave Maria, &c.

SEXTA

SEXTO DIE MARTIS.
PRÆLUDIUM.

NON obstantibus diversis, & efficacibus motivis hactenus sat affatim deductis, coniūcimus necdūm aliquos velle se resolvere ad aslumentam veram, erga hunc Sanctum Patrem devotionem. Credibile, id non procedere à modica fiducia, quam habent in summa ejus beneficētia (dūm per se metipsam sit abundē manifesta) sed fortē, nē per hanc rationem cogantur rumpere antiqua illa vincula, quæ ipsos tenent arētissimē unitos, vanis mundi occupationibus. Duplicem tane committeretis errorem, ô d. lectissimi! Ex una nempē parte tam pretiosis beneficijs vos privaretis: ex altera tandem nunquam à misera servitute vestrorum capitulum inimicorum emergetis. Ah! Non amplius ad vestrum cor redire, & à tam horribilibus præcipitijs vos sejungere retardetis? Submittite vos semel

semel altissimo Romualdi patrocinio.
Et si ipsum, etiam ultimi halitus vestri
tempore, vobis habere propitium de-
sideratis; demereri ipsum in vita,
omni studio incumbite, ejus devotos
sincerè vos profitendo.

SEQUITUR VITA SANCTI.

FVit acceptissimus Romualdus Hen-
rico Primo, (quem alij vocant Se-
cundum) Imperatori, & Sancto. A-
deo autem acceptus erat; ut semel
occurrenti sibi Romualdo, exclamans
palam Imperator diceret: O utinam
placeret DEO, animam meam esse in
corpore tuo! Unde tota Imperatoris
Aula, catervatim accurrebat ad vi-
dendum, & venerandum Sanctum
Patrem; habendamque pro Reliquijs
aliquam, ex ejus habitu particulam,
& ideo vestis ejus lanam evellere sunt
ausi; quamvis Sanctus non modicum
rubore suffusus, & contristatus inde
fuit. Vedit præterea, ad instar magni
Patri-

Patriarchæ scalam, per quam ascende-
bant, & descendebant homines nivei
coloris habitu induti. Per quod in-
tellexit designari sibi à DEO novum
institutum Religiosorum. Illud au-
tem fuit Camaldulense, ab ipso post-
modum fundatum ; in duas partes di-
visum Cœnobitarum videlicet : & E-
remitarum. Vedit insuper adhuc vi-
vens propriam animam præsentatam
ante Divinæ Majestatis conspectum,
ad instar nivis resplendentem ; in hu-
mana quidem effigie ; sed in statura
perfectæ ætatis.

M E D I T A T I O.

1. **C**onsidera ; quomodo intemera-
tæ vitæ bonitas in majori æsti-
mationis gradu, apud mundi Magna-
tes resideat ; quam fastus, & superbia.

2. Quomodo Religiones ab Eccle-
sia approbatæ, Divino instituto à San-
ctis sunt institutæ. Proinde in æsti-
matione, ac omni possibili veneratio-
ne habendæ sunt.

3.

3. Quomodo Anima in gratia DEI existens, decore, omnibus creaturis à DEI Omnipotentia productis præfulget. Econtra, illa in peccati labe degens, deformato infernali monstro deformior est.

P R O P O S I T A.

SUpрадictis Considerationibus trutinatis propones.

1. Colendas, habendumque respectum ad quasvis personas, & maximè piâ aliquâ qualitate præditas; in quibus singulari modo, Creatoris bonitas elucet.

2. Semper discursum rectum, ac bonum ducendum de Religiosis; etiamsi videantur aliqui ex ipsis non directam semitam ambulare, secundum eorum vocationem.

3. Cum omnigena & exquisita diligentia à mortali culpa declinandum. Quodsi casu cecideris; procura quam primum culpam delere contritione, & Sacramentali Confessione.

Fructus

1. **R**ecetè opinare de tuo proximo;
& in tuis necessitatibus, magis
in DEI timore fundatorum orationes
adhibeas.

2. Reverearis omnes Religiosos &
Sacerdotes; si non ob alium rationis,
saltē ob characteris titulum; quod
sint in Altissimi ministros electi.

3. Ab omni occasione declina, quæ
te ad DEI offensam deducere possit.

O R A T I O.

Sanctissime Anachoreta, & Pater
Romualde, intimo, & humillimo
animi mei sensu te precor; impetres
mihi ultimo ex tuis clientibus, ab infi-
nita Domini nostri pietate, quam per-
fectissimam cordis puritatem: ut ani-
ma mea, à quacunque peccati ma-
cula purgata; & non amplius ali-
quam rem, quæ ipsi displicere queat
committendo; ante ejus purissimos
oculos præsentari digna reperiatur.

C

Qui

Qui vivit & regnat in saecula saeculorum, Amen.

Pater noster, Ave Maria, &c.

SEPTIMO MARTIS DIE. PRÆLUDIUM.

Planè res magni momenti esset ; si tuo exemplo , vel verbis alios ad cultum Romualdi attraxisti ; ipsem et verò , aut ob fastidium in ipsius exercitio , aut ob spiritus tepiditatem in continuando , sine fructu remansisti . Adverte sagaciter , in hoc passu à ferventioribus non permettere coronam tibi de manu eripi ; & ut ipsi vice tui , opimis meritis & beneficijs , quæ in grandi copia , à charitativis Sancti visceribus prodeunt , potiantur . Agredere igitur , sequere , & termina sensim hæc fructuosa exercitia , cum ea attentione & affectu , acsi quodlibet ipsorum , in tua vita ultimum foret . Oh ! quām sunt DEO , & Sanctis grati , & accepti diligentes ac prompti dатores ! Hilarem enim datorem pr

diligit

dilgit DEUS. Oh quam suavem, in
pietatis operibus delibant perseveran-
tiæ fructum! Indue ergo animum ô
fidelis Devote; proposita renova; jam
nunc fortè extinctum in tuo corde
fervorem, circa tām serium propriæ
salutis negotium, accende.

SEQUITUR VITA SANCTI.

Sanctus Romualdus prophetiæ il-
lustri dono fuit dotatus, varias &
longinquas res prædicendo. Plures
dæmoniacos liberos fecit. Duos sta-
tu mentis dimotos, & furibundos;
plerosque alios corporali indispositi-
one laborantes, vel panis frustulo,
vel aquâ, à se, aut suis discipulis bene-
dictâ incolumes reddidit. A quibus-
dam procul distantibus grayia & no-
tabilia furta avertit, prædones mira-
biliter retinendo, ac detegendo. So-
lius orationis virtute, magna incendia
extinxit. In summa annonæ inopia,
tempore se suique sequacibus, cœlitūs ali-

menta creberrimè obtinuit. Plurimos Principes, Heròes, insignesque Personas, Magnates, & Dynastas Regionum ad DEUM convertit. Ultimò, partim ab hominibus, partim ab humani generis hostibus, fortes persecutes, constanti animi robore pertulit.

M E D I T A T I O.

1. **C**onsidera, Si Divina Bonitas, etiam in suos servos in terris adhuc viventes tam est liberalis ; & ipsi pro se, aut pro alijs deprecantibus omnes gratias elargitur. Quidnam non faciet Beatis in cœlesti Patria ?
2. Specialissimum Romualdo honorem à DEO collatum ; ipsius meritis mentis impotes curando ; res rariissima !
3. Quod non obstantibus tot insignibus favoribus, quibus erat ab Altissimo dotatus ; nihilominus ejus permissione, ab infernalibus spiritibus, & mun.

mundanis personis permultum affligeretur.

P R O P O S I T A.

FInitis prædictis considerationibus propones.

1. Ponendam, quām singularissimam fiduciam in incomparabili S Romualdi intercessione; quā te à quavis notabili, etiam extraordinaria calamitate liberare queat.

2. Nunquam in tuis necessitatibus, de Divina Providentia desperandum; at illlico ad illam confugiendum, mediante hoc Sancto Patriarcha

3. Non pertimescendas tribulaciones, quasi signa iræ supernæ; verū complectendas, ut quendam arrabonem, Divini Amoris, erga nos.

Fructus huius Meditationis.

1. Incipe graviores tuas necessitudines animæ, aut corporis, aut familiæ tuæ Sancto commendare.

2. Utaris in bonum rerum cogniti-

one, sanitate, & commoditate; quam
DEUS piissimus tibi elargitur.

3. Humilieris ante DEUM, & ho-
mines: è contra verò in quacunque
adversitate exultes,

ORATIO.

OMnipotens sempiterne DEUS,
qui in consilio Sanctorum tuorum
gloriaris, preces mei miseri peccatoris
exaudi; atq; meritis, & intercessione
Beati Abbatis & Confessoris Romu-
aldi dignanter præsta; ut aliquando
sublever ex obscuritate imperfectissi-
mævitæ, & erigar ad celsitudinem tui Di-
vinæ famulatus; profitendo tibi amo-
rem purum & fortem; proximo fer-
ventem charitatem; ipsimet autem
glorioso Patriarchæ perpetuam & in-
timam devotionis subjectionem. Qui
vivis & regnas in infinita sæculorum
sæcula. Amen.

Pater noster, Ave Maria, &c.

OCTA-

OCTAVO DIE MARTIS.

P R A E L U D I U M.

† Ecce jam adest terminus tui itineris spiritualis, Exercitiorum inquam Novendij, ad perpetuam laudem Sancti Romualdi arreptorum. Confiteremus tamen, quod licet illis cum illa attentione & spiritu, quem requirunt, non es usus; nihilominus quasi defectum tuum suppleres, quando maiorem in te semper percipis dispositionem, ad ipsi serviendum, & iterandam alias fructuofam hanc devotionem. Assume ergo animum, & his duabus diebus resolve te ad uniuersam omnem, quam olim habuisti applicationem; ita, ut in fervoris intentione, & cordis teneritudine, erga ineffabilem tam praeclari Sancti beatitudinem, omnes alias habentes habitas precellat. Ah quam per pulcher & utilis devotionis hic Epilogus, debet esse acceptus DEO, charus Angelis; gratius Romualdo! Nunc jam vide-

bis, quām sit fructuosum animæ tuæ,
propius & verius ad tām potentis Pro-
tectoris cor accedere.

SEQ UITUR VITA SANCTI.

DEcrepitus noster Sanctus Pater co-
gnoscens tempus appropinquare,
quo, delecto languidi corporis sui
carcere liberâ & solutâ animâ ad pe-
rennem cum DEO evolare deberet
unionem; inenarrabili lætitia plenus,
cunctis palam communicavit, quod
post breve, sibi tamen visum datur-
num, duorum scilicet annorum curri-
culum, extrâ hanc terram terræ man-
sionem futurus esset. Recessit pro-
indè ad Eremum à se ædificatam Val-
lis de Castro, septem milliaribus Fa-
briano distantem. Ibi in loco aliquan-
tulum ab aliorum conversatione re-
moto, extruxit Cellam cum Sacello,
ad præsens Sancti Blasij nuncupato.
In hac reclusus, nihil remisso solito
jejunij rigore, in altissima conte-
platione,

platione, & silentio mansit; atq; sic,
ut verus Anachoreta, absque aliqua
humana assistentia, ultima suspiria ef-
flare voluit. Serotinâ horâ diei 19.
Junij, Anni 1027. duos Religiosos è
cellula dimisit, in gravi & ultima ne-
cessitate sibi assistentes; ipsisque man-
davit, ut ad Eremum recedentes, post
cantatum matutinum ad se redirent.
Suspicantes nihilominus discipuli San-
ctum Patrem, ut verum solitarium,
velle suum spiritum purissimum exha-
lare, & sine alicujus interventu; uti
prædictum habuerat viginti ante an-
nis; non multum à cella recesserunt.
Transacto deinde brevi temporis in-
tervallo, cùm attentiùs auscultarent;
& neque motum corporis, neque vo-
cem audirent, jam quod evenerat ve-
raciter opinantes, impulsâ januâ velo-
citer irruunt, lumen accendunt, &
Supinum Sanctum, jacere mortuum,
consternati reperiunt. Quò perve-
nientes omnes discipuli, Sanctum Cor-

pus in principali Ecclesia Monasterij, cum Hymnis & Canticis, inter devo-
tas lacrymas & suspiria deposuerunt.
Vixit Beatissimus Pater centum vigin-
ti annis, ex quibus viginti expendit
in sœculo, tres duxit in Monasterio, &
nonaginta septem in Eremitica trans-
egit austeritate.

M E D I T A T I O.

1. **C**onsidera, quomodo Sancti,
quamvis singulari privilegio de-
Divina gratia securi, & futura Para-
disi gloria; tamen antequam tempus
mortis appropinquaret, ab omni exte-
riori negotio recedebant; ut se totos
in DEO reponerent, & transirent fe-
licitè ad eum.

2. Quomodo illis, qui adhuc in vita
degentes, dimicare ferio contra ten-
tationes, ipsasque vincere, sunt assue-
facti; deinceps in mortis articulo, non
sit opus humanâ assistentiâ. Quocir-
ca illis superandis primo assuelceret
proficuum est.

3. Quomodo expavescere non debeamus in servitio Divino, omni tempore vitae nostrae, licet si prolixiori. Quoniam Divina Bonitas id meretur, nos quoque obligamur.

P R O P O S I T A.

Predictis considerationibus transactis propones.

1. Vitam agendi, quantum vires tue se extendunt, segregatam a mundi turbinibus; ne tibi in ultimo mortis puncto, sint laqueus & impedimentum.

2. In singulos dies hanc expressam, & fixam habendam reflexionem, qualis quilibet ipsorum ultimus eslet terminus vitae tue.

3. Quotidie pro moribundis, ad finem felicis eorum ex hac vita transitus, orandum.

Fructus huius Meditationis.

1. Vespere, antequam ad requiescendum te conferas, terio conci-

conscientiam tuam examines, & de commissis inter diem culpis, à DEO veniam expostuses. Ad hunc finem etiam, si nocte illâ te exhalare spiritum improviso contingat, examen Confessionis ante DEUM tibi serviet.

2. Omni die, aliquâ singulari oratione, Domino DEO, Sanctissimæ Virginis MARIAE, Sancto Josepho, S. Romualdo, alijsque tuis Sanctis Advocatis animam devotissimè commendes; ut si casu mortis id facere nequeas, tempus nunc anticipes.

3. In memoriam tibi creberrime veniat, quod sis è vita migratus. Ideò in Purgantium Animarum suffragium, aliquid opus bonū applices.

O R A T I O.

MAgnum resplendentium virtutum specimen meæ mentis oculis representatur, fixè perpendentibus prodigiosissimam tuam vitam, ô Beatissime Pater. Nimium absorptus permaneo,

maneo, alta mentis indagine trutinans
tām admirandas actiones tuas, tām
prodigiosa miracula. Effice tandem,
ut te imitando quantum valeo, post
fragrantiam pretiosorum unguento-
rum tuorum currām; & transacta hac
miserā vitā, Te sequar in æterna.
Quam, mundi Redemptor & Judex
Christus, per suam infinitam bonita-
tem concedere dignetur. Amen.

Pater noster, Ave Maria, &c.

NONO ET ULTIMO
MARTIS DÍE,
P R A E L U D I U M.

Hac ultimā Novendij die, præsto-
latur à te S Romualdus perfe-
ctum cordis Sacrificium; & constan-
tem tuarum mortificationem passio-
num. Jam pluries præteritis ferijs
pollicitus es futurum te ejus perpe-
tuum & devotum servum; ipsumq;
sequi in sanctis vitæ operationibus spo-
pondisti. Nunc idem monstrabis, sæ-
pius

piùs frequentando Sanctissima Sacra-
menta; auscultando ultra solitum,
devotè, Verbum DEI; voluntarie am-
pleteendo abstinentias & jejunia, ad-
juvando tuum proximum in rebus ad
animam, & corpus pertinentibus; li-
benter & procul recedendo à vanita-
tibus mundi; ex animo DEUM pla-
cando & precando pro inimicis, cum
ipsisque te reconciliando; mortifican-
do tensus, atque tuam vitam, quan-
tum possibile, conformando vita Sancti
Patris. Ad quem finem ipst, ali-
quod devotum tributum, vocalium
& jaculatoriarum precum offeras; in
vocando ipsum vivo corde in necessi-
tatibus, & tribulationibus. Hæc e-
runt & similia, magis manifesta signa
tuæ devotionis erga ipsum, & profe-
ctus deprompti ex hoc Novendio.
Benedictio itaque Patris, & Filij, &
Spiritûs Sancti tecum maneat, custo-
diatque te ab omni malo, per servi-
sui Romualdi merita, Qui tibi etiam,

ab eodem Domino liberalissimo Lar-
gitore, omnis desiderabilis boni ple-
nitudinem impetrat. Amen.

*Succincta Historia Translatio-
nis S. ROMVALDI.*

TRANSACTO, à morte S. Patris quin-
quennio, Authoritate Apostolica,
per Joannem XX. Pontificem Maxi-
mum, Anno 1032. conclulum fuit;
ut Sacrum Corpus ejus exhumaretur,
ac in decentiori loco collocaretur;
atque in nova tumba intra altare ad
publicam venerationem exponeretur.
Ad quem finem Prior Eremi Vallis de
Castro, dictus, P. Dominus Azo, S. Pa-
tris discipulus paravit parvam arcam,
supponendo eam fore sufficientem ad
recipiendas sacras Reliquias; quas jam
in pulverem redactas opinabatur. In-
terim Sanctus, cuidam Religiosorum
in somnis apparuit, impetrans; ut
certiorem redderet Priorem, illam ar-
cam,

cam, ad includendum Corpus suum,
esse incapacem. Rei veritatem exi-
tus probavit. Aperto namque se-
pulchro, tam integrum & pulchrum
Sacrum Corpus reperierunt ; ac si il-
lud sepulturæ, eo instanti tradidissent.
Proinde sine mora, facta fuit alia gran-
dis, & sufficiens arca ; quæ secundum
antiquam traditionem hucusque con-
servatur sub quodam collateralium al-
tariū, in Ecclesia S Blasij Fabriani. Per
quam Dominus, etiam ad præsens
plurima miracula operari dignatur,
maxime in infantibus, eō, gratiâ ac-
quirendæ sanitatis repositis.

Posito itaque, sub quodam novo
Altari Sancti Romualdi Corpore, spar-
saque famā, quod omnino incorru-
ptum conservaretur, / sicut in veritate
integrum inventum est, Anno Millesi-
mo, Quadragesto, Sexagesimo
Sexto ; quadringentis triginta novem
annis elapsis, post felicem ejus transi-
tum, in Anno Millesimo Quadrin-
telimo

tesimo Octuagésimo primo, duo Religiosi Pedemontani extranei, inter se convenerunt eō personaliter eundum, & clām raptum, ad suum Monasterium deportandum. Supervenientibus itaque sacrilegis manibus, & vix contrectantibus, protinus vestimenta Sancti, & Caro in cinerem resoluta sunt; pulpā spoliatis Sacris Ossibus solummodo remanentibus. Ad hoc miraculum nihil perterriti, ocyūs Sacra Ossa in saccum immiserunt, & cum eo ad Civitatem Sānam iter aggressi sunt. Ad cuius Cauponam se recipientes, Sacrum depositum in pavimento cujusdam habitaculi reposuerunt. Casu deniq; transēunti filio Cauponis visum fuit magnum incendium; vocat proindē Patrem; sed & huic similitē videbantur exurgere flammæ ignis usque ad tectum. Ambo cubiculum intrant, & nihil reperiunt, præter vilem saccum in terra depositum, plenum ossibus. Recursu igitur factō

facto de rei novitate ad Episcopum, interim ejus mandato, duo delinquentes sub aresto posit sunt. de quibus fama tulit, ipsos in quodam nemore, à feris immaniter devoratos fuisse, & infelices vitam miserabiliter finisse.) Unde Episcopus convocato Clero, populique multitudine, diversorum adiens, Sacras Reliquias ad Cathedram Ecclesiam transtulit. Interim Patres Vallis de Castro, instantes preces pro recuperandis iplis fecerunt; sed tam Episcopus, quam Aelinates precibus eorum non annuerunt. Quocirca Patres Maceratam adierunt, Legatum à latere Cardinalem interpellantes, ipseque decrevit; ut relicto Aelinæ Ecclesiae uno brachio Corporis Sancti, Trasiduum totum Monachis Camaldulensis restitueretur. Arrepto itinere cum Sancto pignore, controversia exorta est, effetne ad antiquum Vallis de Castro monumentum depontandum, an potius Fabrianum? Tandem

dem

m, dem mulus, super quo tam pretiosus
en- thesaurus jacebat, item diremit; si-
ous quidem nulla vi humana induci po-
re, terat, ut viam relinqueret, quæ Fa-
, & brianum ducebat; & Cœnobium ver-
.) sùs Vallis de Castro, passus revolveret.
ro, Quo appropinquantibus Sacris Reli-
um quijs jam hora tardiori, sine scitu Fa-
ra- brianensium, omnes campanæ impro-
rim viso ipsæmet sonum ciere incipientes,
ore- publicum communis latitiae signum
sed dederunt. Quocirca cum jubilo uni-
eci- versali, & solemni Processione, in Eca-
rca clesiam S. Blasij illatae fuerunt, atq;
um in marmorea arca, sub majori altari
tes, depositæ; ubi singularissimâ devotione
Ec- semper coluntur. Contigit prædicta
eti, Translatio circa annum nostræ salu-
du- tis, Millesimum, Quadragesimum
iti- Octuagesimum Secundum, Die Se-
ver- ptimâ Februarij.

M E D I T A T I O.

Con sidera, quanta fuerit puritas Romualdi, quæ per tot sæcula

cula sui Corporis meruit incorruptionem.

2. Quomodo ad Sanctorum Reliquias, cum magna reverentia & circumspectione accedere debeamus; expectando incurriendam eorum indignationem, si contrarium fecerimus.

3. Perpende; quod multoties sub specie devotionis, aut zeli permagni errores committantur. Unde consulere virum probum consentaneum est, priusquam rem aliquam magni momenti, & extraordinariam operari exordiaris.

P R O P O S I T A.

FACTIS supradictis considerationibus propones.

1. Custodiendam omni possibili animadversione, tui cordis & corporis puritatem.

2. Ante contactum. aut osculum Reliquiarum Sacrarum, petendam quodammodo licentiam ab illo San-

cto,

eto, ac demum actu Contritionis animam purificandam, ut dignius eas accedas.

3. Non permettere te vinci à Creaturis irrationalibus, in præbendo Sanctis honore; & tantò magis ab insensibilibus.

Fructus huius Meditationis.

1. In temptationibus & periculis contra puritatem recurras humilitèr, & fiducialiter ad Romualdum.

2. Appropinquando Sanctis Reliquijs, cogita te accedere ad ipsum Sanctum, cuius sunt.

3. Operare illud bonum, quod est certum & securum; & nunquam dubium, aut speciosum sine consilio aggredere.

O R A T I O.

Quàm dulce est, & suave tibi famulari prompto animo, ac generoso, o gloriose Romualde! Ego confiteor, quòd licet si hos novem dies,

tuo

tuo honori dedicatos frigido spiritu ne
transegerim ; nihilominus admo- ut
dum me sentio consolatum , atque lea
compulsum ad te incessanter aman- mi
dum ; monstrandosq; ipsis operibus, ri
meæ debitæ gratitudinis affectus. In- Am
terim blando animo recipe id, quod tu
hactenus ad tuæ gloriæ augmentum, qu
meæque animæ utilitatem exercui;
& perfice quidquid in mea intentio- ba
ne in posterum faciendum, viget ; im- hal
primendo in corde meo indelebile, tui ver
obsequentissimi servi signum ; cujus assi
virtute, omni tempore, & loco, in lau- cup
dibus tuis occuper; sperando in Divi- isti.
na Misericordia, tibi me associandum præ
in cœlis, per totam Æternitatem. A ptu

Pater noster, Ave Maria, &c.

Alia Devota Oratio,

AD PATRIARCHAM

S. ROMVALDV M.

Sanctissime Pater, cum ipsis operi- teris
bus altissima merita tua venerari
nequeam

ritu nequeam; ad minus mihi concedatur,
ut laudis tributum præstare tibi va-
que leam; undē adæquatum motivum ad-
mirandæ eminentiæ illarum singula-
tus, rium virtutum percipiam, quæ tuam
In- Animam felicem reddiderunt. Si igi-
uod tur exaltare audeo Divinum Amorem
um, qui in te regnabat; ecce fuisti quæ-
cui; dam flamma, quæ incessanter arde-
bat, sæpissimè coactus clamoribus ex-
halare ardores tui igniti cordis. Si
tui vero Amorem erga proximum laudare
ujus assurgo, ecce totum mundum salvare
lau- cupiens, in Eremum convertere volu-
ivi isti. Si donum Orationis magnificare
lum prætendo; creberrimè te extra se ra-
. A ptum cerno; & transformatum in
DEUM, per contemplationis excel-
sum. Si abstinentias celebrare desi-
dero; iam exploratum patet, quòd per
longam annorum seriem, solo rigidis-
M simo jejuniorum alimento sustenta-
eri teris. Si puritatem mentis, & cor-
poris describere satago; sufficit dicere,
am quòd

quod ab ipsamet Sanctis, Angelus incarnatus nominareris. Si denique, omnium tuarum virtutum Splendorrem demonstrare studebo; ecce te splendidissimam stellam, luminosum Planetam honorari audio. Sed advertens, quod ipsamet Seraphica lingua languesceret in perfecte explicanda sublimitate sanctitatis, & gratiarum, quibus tuum fortunatum Spiritum Pater luminum cumulavit; idcirco dispono permutare laudes in preces; tibique intimo corde supplicare, ut velis mihi esse fax ad incendendum cor meum Amore DEI, & proximi; dux in oratione, exemplum in patientia, speculum in castitate; author in patientia; sustentaculum in lapsu solatium in tribulationibus; regula in actionibus, socius in laboriosa hujus miseræ vite peregrinatione; Protector, & Assistens in tremenda mortis hora; ut tandem in æterna gloriare consors tui esse possim, Amen.

Intentio

*Intentio & Methodus Feriarum
quinq[ue] tertiarum, quæ à devo-
sis ROMVALDI servis sunt
faciendæ, proximè ante diem
gloriosi sui transitūs in cœ-
lum; qui 19. Junij ce-
lebratur.*

IN hujus Libelli frontispicio innui-
mus, quomodo quinque Meditati-
ones, & Orationes Novendij hoc si-
gnō f adnotatæ adhibendæ sint, pro
totidem diebus Martis, ante festum
præfati Sancti in Junio. Modo, ut
notum maneat, ad quem finem sunt
instituti, observandum est. Quomo-
do Beatissimus Pater, ante suum tran-
situm ex hac vita, ad immortalem, per
quinque Menses continuò, & irremissè
nimis molestam infirmitatem corpor-
alem sustinuerit. Proinde ad pro-
merendam à Domino DEO, medi-

ante Sancto Patriarchâ, non solum
resignationem & tolerantiam in no-
stris infirmitatibus, verum etiam gra-
tiam summè desiderabilem bonæ &
sanctæ mortis, præsentia exercitia ser-
vient.

Adverte.

NE autem, ab hoc utili devotio-
nis exercitio jejunia te perterre-
ant, pergratum erit ipsi Sancto; si aut
laeticij contentus te mortificabis,
aut ab aliquo meliori cibo abstine-
bis, aut saltē parsimoniam se-
rotino tempore adhibebis,
dummodò id pura men-
tis devotione, & affe-
ctu facias.



OFFICI

(€)(+)(\$)

69

OFFICIVM PARVUM *Sancti Patris Nostri* ROMVALDI ABBATIS.

A Sacra Rituum Congregat. approbatum.

AD MATUTINUM.

Domine labia mea aperies,
Et os meum annuntiabit
laudem tuam.

V. DEUS in adjutorium me-
um intende,
R. Domine ad adjuvandum me festina.
V. Gloria Patri, & Filio, & Spiritui S.
R. Sicut erat in principio, &c. Alleluja.
vel: Laus tibi Domine Rex æternæ
gloriæ.

HYMNUS.

Tu, qui ruentis sæculi,
Bonis relictis omnibus,

D 2

Rupes

Rupes petisti montium,
DEO ut plateres anxius.

Nobis Pater surgentibus,
Summo Parenti maximo
Laudes daturis maximas
Succurre voto supplici.

Somnum repelle noxium;
Absterge nubes mentium,
Ut Sempiterno Numini,
Preces canamus seduli.

Præsta hoc Beata Trinitas,
Concede supplex Unitas.
Ut te hic colentes unicè
Tecum fruamur æthere, Amen.

Anriph. In Matutinis, laudibus semper adstabat Altissimo Beatus Romualdus, alijs divinis officijs non intermissus.

¶. Ora pro nobis Beate Pater RO
MUALDE,

¶. Ut digni efficiamur promissionibus Christi. ORATIO.

DEUS, qui famulum tuum RO
MUALDUM Abbatem, spretisca
duci

ducis gaudijs hujus vitæ ad confessi-
onis gloriam sublimasti; fac nos, quæ-
sumus, ipsius meritis, ab hujus mundi
onere sublevatos, cœlestia omni tem-
pore anhelare. Per Dominum, &c.

AD PRIMAM.

¶. Deus in adjutorium meum, &c.

H Y M N U S.

NOstris adesto vocibus,
Pater precamur supplices,
Res ut diurno tempore
Puris agamus mentibus.
Nostras labentes dirige,
Cœli preces ad Principem,
Morte ut perempti corpore,
Vita fruamur cœlitum.

Præsta hoc Beata Trinitas,
Concede simplex Unitas,
Ut te hic colentes unicè,
Tecum fruamur æthere, Amen.

Antiph. Vir vitæ venerabilis magis
elegit vitam Monasticam ducere Be-
atus Romualdus, quam in tumultibus
sæculi manere.

D3

¶. Ora

¶. Ora pro nobis Beate Pater RO-
MUALDE,

R. Ut digni efficiamur, &c.

O R A T I O.

Fac nos quæsumus Domine Beati Patris Nostri Romualdi hic imitari labores, ut illic ejus gloriæ participes esse mereamur. Per Dominum nostrum, &c.

AD TERTIAM.

¶. Deus in adjutorium meum, &c.

H Y M N U S.

VT Romualdus hostium,
Virtute continentiae
Victis furentum fraudibus
Jam possidet cœlestia.

Sic nos devicto sæculo,
Castis, fideque moribus
Ipsò juvante maximâ
Cœli assequamur præmia.

Præsta hoc Beata Trinitas
Concede simplex Unitas,
Ut te hinc colentes unicè,
Tecum fruamur æthere, Amen.

antiph.

Antiph. Sancte Romualde Christi Confessor, audi rogantes servulos, & impetratam cœlitūs; tu defer indulgentiam.

¶. Ora pro nobis, &c.

O R A T I O.

Intercessio nos quæsumus Domine, Beati Patris nostri Romualdi Abbatis commendet, ut quod nostris meritis non valemus, ejus patrocinio asequamur. Per Dominum nostrum, &c.

A D S E X T A M.

¶. Deus in adjutorium meum, &c.

H Y M N U S.

Audi preces Sanctissime,
Quas, Romualde, fundimus,
Christoque Regi gloriæ,
Virtute caros effice.

Illum precare fervidus;
Ut tollat omne noxium,
Donetque cuncta prospera,
Et hic, & in cœlestibus.

Præsta hoc Beata Trinitas,
Concede simplex Unitas,

D 4

U

Ut te h̄ic colentes unicē,

Tecum fruam̄ur æthere, Amen.

Antiph. Bonis semper operibus Beatus Pater Romualdus insistebat, nos
Ete, ac die Domino famulando.

¶. Ora pro nobis, &c.

O R A T I O.

OMnipotens sempiterne DEUS, cui
cuncta famulantur elementa, e-
xaudi propitius orationem nostram,
& tribue nobis misericordiam tuam:
ut quæcunq; præcipis, intercedēte Be-
ato Romualdo Confessore tuo, im-
plere possimus. Per Dominum no-
strum, &c.

A D N O N A M.

¶. Deus in adjutorium meum, &c.

H Y M N U S.

Tu Christe, summa Charitas,
Ac sempiterna Bonitas,
Cor nostrum redde blandulum,
Per Romualdi gratiam.
Hic proba, & ignominias,
Divino amore fauicius,

Vultu

Vultu sereno pertulit,
Ob idque fulget inclitus.

Præsta hoc Beata Trinitas,
Concede simplex Unitas,
Ut te h̄ic colentes unicè,
Tecum fruamur æthere. Amen.

Antiph. Erat Beatus Romualdus
profectò fide præclarus, in virtutibus
gratiolus, & hospitalitate præcipuus.

¶. Ora pro nobis, &c.

O R A T I O.

Concede nobis Domine, quæsu-
mus alacribus animis Beati Con-
fessoris tui Romualdi commemora-
tionem quotidie peragere, cuius di-
versis decorata miraculis, tibi vita
complacuit. Per Dominum, &c.

A D V E S P E R A S.

¶. Deus in adjutorium meum, &c.

H Y M N U S.

Beatus iste, corporis,
Tandem solutus vinculis,
Post longa victor æthera
Jam possidet certamina.

Ds

Frustra

Frustra superbas intulit,
 Minas Tyrannus Tartari:
 Frustra dolos, & omnia
 Inferni novit agmina.

Præsta hoc Beata Trinitas,
 Concede simplex Unitas,
 Ut te hic colentes unicè,
 Tecum fruamur æthere Amen.
Antiph. Sancte Romualde Christi
 Confessor, tu nostræ Religionis divi-
 nitus plantator, sis apud DEUM no-
 ster pius intercessor.

¶. Ora pro nobis, &c.

O R A T I O.

Clementiam tuam mitissime DE-
 GLIS humilitè imploramus, ut me-
 ritis Beati Romualdi, & prospera
 mundi despicere, & cœlestium dono-
 rum mereamur participatione gau-
 dere. Per Dominum, &c.

A D C O M P L E T O R I U M.

¶. Converte nos Deus Salutaris noster,
¶. Et averte iram tuam à nobis.
¶. Deus in adjutorium meum, &c.

H ¶.

H Y M N U S.

IAm noctis ecce frigidæ
Conturgit umbra densior,
Curam Pater nunc suscipe
Gregis, precamur, supplicis.

Depelle nobis somnia,
Et dæmonum fallacias,
Sit pura mens, sit pervigil,
Sopor fovet dum Corpora.

Præsta hoc Beata Trinitas,
Concede simplex Unitas,
Ut te hic colentes unicè,
Tecum fruamur æthere. Amen.

Antiph. Verè Angelus D E I , verè
Propheta Sanctus , & lux magna in
finibus nostris apparuit.

¶. Ora pro nobis, &c.

O R A T I O.

OMnipotens sempiterne Deus, qui
Beatissimi Anachoritæ tui Romu-
aldi, mentem tantis divini luminis ra-
dis illustrare dignatus es , ut perfe-
ctæ solitariæ vitæ excogitator extite-
rit, normamque in tui laudem jugi-

tèr servandam , in cacumine Montis Apennini mirabiliter instituerit : concede, quæsumus, nobis ejus alumnis, quos in nomine tuo genuit , tantâ animi puritate in via præceptorum suorum versari, quatenus à terreno, ad æternum Montem, in quo tecum habitat , purificati descendere valeamus. Per Dominum nostrum, &c.

**Commendatio ad eundem Sanctum Patrem ROM V.
ALDVM.**

Oblsecro te Beatissime Pater Romualde dilecte DEI , perfectus in charitate cœlesti, Pater inquam, & Magister Eremitici propositi. Pater, qui sacram Eremum , ordinemque nostrum Camalduli per mysterium cœlestis scalæ, instar Jacob Patriarchæ tibi cœlitùs ostentum, Domino nostro JESU Christo benedictio in altis montibus lacrasti, ut nos famuli tui , calcato

cato sæculo, discamus per humilitatem Religionis ascendere in montem divinæ contemplationis, quæ est janua scalæ cœlorum. Et ut sedentes ad pedes Domini cum MARIA, fundere studeamus sicut aquam cor nostrum ante conspectum Sanctissimæ Trinitatis, ut misereatur nostri Omnipotens Pater, & Angelorum nos præsidio cum Jacob muniat. Obsecro, inquam, te Beatissime Pater, memor esto omnium Camaldulensium tuorum, ac totius Christianæ gentis. Deprecare, etiam pro me indigno servo tuo, ut illuminet me radius gratiæ Spiritus Sancti, quatenus iordibus omnibus mentis, & corporis expurgatis, universis bonis, ac sanctis virtutibus exornet. Sic verò in dilectione DEI, & proximi, cum vera Religione, Fide, Spe, & Charitate, & humilitate, & mansuetudine me exerceam, ut ad eam cœlestis mentis contemplationem, me aliquando rapi sentiam,

tiam, quā te hīc olim rapi consuevi-
sti, dum inhians in superna fluenta
fontis vitæ, quasi totus in lacrymas
resolutus æstuante in te ardore divi-
ni amoris, clamabas ad dulcissimum
Dominum JESUM: Chare J E S U,
chare; mel meum dulce, desiderium
ineffabile, dulcedo Sanctorum, sua-
vitas Angelorum, & his similia mul-
ta proferebas in jubilo. Commen-
doque tibi p̄ijssime Pater animam
meam, corpus, & spiritum meum,
omnes qui se meis commendaverunt
orationibus, amicos, & inimicos, ut
tu, qui DEI amicus es, & securus de
te, sis quoque de nobis sollicitus, &
nos precibus juves. Et rogo te dul-
cissime Pater, ut me famulum tuum
hodiè, & semper tuis sanctis interces-
sionibus protegas, quatenus nomen
JESU, & Angelus ejus bonus expel-
lat à me omnem Sathanæ nequitiam,
ac terrorem, & misereatur animæ meæ
in egressu suo miserator Dominus. A.

A D

(S)(F)(S)

A D D I V U M
ROMVALDVM
 A B B A T E M ,

Camaldulensis Ordinis Fundatorem.

*Pro impetranda ejus protectione præ-
 cipue in liberandis Ob/effis, &
 infirmis sanandis.*

H Y M N U S .

QUÆ Virtus, quæ potentia,
 Quâ Romualdus polleat
 Ægros, superque Dæmones,
 Ejus Sepulchrum edocet.

Cum lectulo decumberet,
 Quinquennio fere sustulit
 Ad initia mole Dæmonem
 Ejus prementem genua.

Amentis frontem osculans,
 Obsessi insuflans faciem ,
 Utrumque sanum reddidit ;
 Sic irridebat Dæmonem.

Cum

82 *Hymnus ad D. Romualdum.*

Cum parvo panis frustulo
Alium sanat puerulum,
Lymphā, quā manus terferat,
Languores multos expulit,

Alius Cilicum intuens
In Templo occultum, ejulat,
Illud illud me abigit,
Et statim Dæmon exiit.

Rogo DEUS Sanctissime,
Per Romualdi merita,
Obsessi ut à Dæmone,
Sintque ægri à morbis liberi.

Uno trinoque Domino
Sit sempiterna gloria,
Qui Romualdo contulit,
Flagellum esse Dæmonis. Amen.
¶. Ora pro nobis Sancte Romualde,
¶. Ut digni efficiamur promissioni-
bus Christi.

O R E M U S.

DEUS, qui famulo tuo Romual-
do Abbati gratiam, & Virtutem
super ægros, ac Dæmones conferre
dignatus es: Supplicationes nostras
benignus

benignus respice, ut ejus meritis, &
intercessione omnem Creaturam à
nefarijs spiritibus, & ab omni Cor-
poris infirmitate liberare, ac præser-
vare digneris. Per Christum Domi-
num nostrum, Amen.

RESPONSORIVM S. ROMVALDI.

Ad petendum ejus Patrocinium.

SI quæris Patrocinium,
Et Romualdi gratiam,
Quid possit ejus dextera,
Fabrianenses adeas.
Obsessos, & à scabie,
A bello, & à contagio;
Attractos, atque pavidos
Pupos, amentes, liberat.
Sanéti contactu Cranij,
In præsens aqua cernitur
Morbos & incurabiles,
Sanare frequentissimè.

Obsessos,

Obsessos, & à scabie,

A Bello, & à contagio,

Attractos, atque pavidos

Pupos, amentes, liberat.

Gloria Patri, & Filio, & Spiritui S:

Obsessos, &c.

¶. Ora pro nobis Sancte Romulde,

¶. Ut digni efficiamur promissionibus Christi.

O R E M U S.

DEUS, qui famulo tuo Romualdo Abbati gratiam, & Virtutem super ægros, ac Dæmones conferre dignatus es: Supplicationes nostras benignus respice, ut ejus meritis, & intercessione omnem Creaturam à nefarijs Spiritibus, & ab omni Corporis infirmitate liberare, ac præservare digneris, Per Christum Dominum nostrum.

A M E N.



AN.

**A N T I P H O N A
AD BEATUM PATREM
B E N E D I C T U M.**

*Pro impetranda assistentia ipsius,
in mortuus articulo.*

CTans in Oratorio dilectus Domini Benedictus, Corpore & Sanguine Dominico munitus, inter discipulatum manus imbecillia membra sustentans, erectis in cœlum manibus, inter orationis verba Spiritum efflavit ; qui pér viam stratam pallijs, & innumeris coruscant lampadibus, cœlum ascendere visus est.

P. Gloriosus apparuisti in conspectu Domini,

R. Propterea decorem induit te Dominus.

O R E M U S.

DEUS, qui pretiosam mortem Sanctissimi Patris Benedicti, tot tantisque

tisque privilegijs decorâsti; concede quæsumus nobis, ut cujus memoriā recolimus, ejus in obitu nostro, beatâ præsentia, ab hostium muniamur insidijs. Per Dominum nostrum JESVM Christum Filium tuum, qui tecum vivit & regnat in unitate Spiritus Sancti DEVS, per omnia sæcula sæculorum, Amen.

PROSA

De Sanctis quinque Fratribus Martyribus Polonis.

Ex antiquo Breviario Polonorum, ex revelatione S. Joannis Eremitæ Camaldulensis, composita est à R.P. Nucio, Ordinis S. Franc. de Observ. ut infra.

Tota die jubilemus, in hac die exultemus, Tot clarorum invocemus, Sanctorum suffragia.

Qui

Qui in Christo renascentes, mundi
hujus rei puentes, vana quæque conte-
rentes, pergunto ad cœlestia.

Boleslaus Rex Polonus, transit ad
hos Sanctos pronus, ferens eis munera.

In oscula proruente, quem Sancti
benedicentes, Rex petit itinera.

Quod Latrones audientes, pergunto
illuc festinantes, ferunt Sanctis vincula.

Ab his nummos extorquebant; ad
quos Sancti sic ajebant: vivimus per
sæcula.

Boleslao remisimus, nam hos corde
contempsimus, quærentes cœlestia.

Latrones non crediderunt, gladijs
hos occiderunt, sunt mortis compendia.

Sic per multas passiones, ad super-
nas mansiones, glorioſi Proceres,

Festinant: & in nemore, læti suo in
corpo, ducunt mortem celeres.

O quam felix Polonia, felicior Ca-
simiria, fiunt ibi prodigia, ex Divino
munere.

Licet

Licet ibi in faustitate, Reliquiae sunt locatae, tellus tamen suxit laute, horum sanguinem verè.

Cæcus, claudus, surdus, mutus, ab omni illos erit tutus, ægris membris destitutus, horum sanctis precibus.

Ergo quivis Christicola, dives, pauper, ruricola, extraneus, & incola, esto ad hos votivis.

Precamur vos jam Patronos, Regi nostro incolonos, ferte pacem, mores bonos, victoriam in hostibus.

Scythes, Turcam hinc pellite, morbos, pestes abducite, ipse JESUS sit dux vitæ, locate in cœlestibus.

Ferent nobis hi solamen, si fuerit his precamen, semper erit sublevamen omnis homo dicat Amen.

O R A T I O.

OMnipotens æterne DEUS, prouidimus haec
cujus gloria sancti tui innocentes
Martyres, Joannes, Benedictus, Mattheus,
Isaac, Christinus, Athanasius,
Laurentius, & Barnabas Confessor,
Eremitæ

Oratio de Ss. Confessoribus. 89


Eremitæ Camaldulenses Calimiritani,
in Ecclesia tua Sancta genibus in terra
prostrati, noctu divinis orationibus va-
ab cantes, ab impijs prædonibus appre-
oris hensi, manibus, pedibusque ad stipites
alligatis, crudeliter igne & diversis tor-
mētis diu lacerati, & interfecti, Marty-
rij palmam æternæ gloriæ adepti sunt:
præsta quæsumus, ut quorum memo-
riam suâ devotione recolimus, eorum
actiones imitemur. Per Christum Do-
minum nostrum, Amen.

*Oratio alia de Ss. Confessoribus
Polonia*

DEUS, qui nos concedis annua San-
ctorum Confessorum tuorum Ere-
mitarum Camaldulensium, Andreæ,
Zverardi, Barnabæ, Justi, Bogumili,
& Benedicti Zvirardi Martyris socio-
rum natalitia colere; da nobis in æter-
na beatitudine, de eorum societate
in cœl s, felicitèr unà cum illis gaudere.
Per Christum Dominum nostrum,

A M E N.





IMPRIMATVR.

M. Petrus Praczle-
wic, Sacræ Theolo-
giæ Doctor & Profes-
sor, Canonicus Ca-
thedralis Cracovien-
sis, ac in eadem Diœ-
cesi Librorum Cen-
sor. *mpp.*

